

Ditari Natyrës

Në këtë numër do të gjeni:

- **Prespa shpallet "Ligatinë e Rëndësisë Ndërkombëtare"**
- **Takim mbi problemet e peshkimit në Liqenit e Ulzës.**
- **Intervistë me Z.Rezart Kapedani REC Albania.**
- **Takim mbi zhvillimin e qëndrueshëm të turizmit në Vlorë**
- **Mbahet takimi i dytë i Rrjetit për Mbrojtjen e Natyrës.**

Prespa shpallet "Ligatinë e Rëndësisë Ndërkombëtare"

Pas Butrintit, Lagunës së Karavastasë, Sistemit "Lumi Buna dhe Liqeni i Shkodrës", Qeveria Shqiptare shpalli pjesën e Liqeneve të Prespës si "Ligatina të Rëndësisë Ndërkombëtare" sipas Konventës së Ramsarit, të cilën Shqipëria e ka ratifikuar më 29/02/1996.

Qysh në vitin 1974 Greqia ka nominuar pjesët e saj të liqeneve si Ligatina të Rëndësisë Ndërkombëtare sipas Konventës së Ramsarit. Rezerva e Ezeranit në anën maqedonase është propozuar si e tillë në vitin 1996.

Sipas MMPAU "Tashmë, me emërimin e pjesës shqiptare, është hapur rruga për një regjim të ruajtjes trepalësh për ekosistemet e rëndësishme liqenore, të cilat janë habitat i shpendëve të rrallë dhe të rrezikuar si

Pelikani Dalmat dhe pelikani i Bardhë të cilët posedojnë një nga kolonitë më të mëdha të shumimit në Evropë. Për më tepër, zona e përgjithshme e liqeneve është një vend i rëndësishëm dimri për shumë shpendë që vijnë nga vendet e tyre të mbarështimit në rajonin Palearctic".

Studimet e ndërmarra në vitet e fundit, kanë vërtetuar se rajoni shqiptar i liqeneve të Prespës, përbën një vend me larmi të jashtëzakonshme të biodiversitetit. Rajoni më gjerë ka qenë i njohur si një Hotspot Evropian dhe Global i Biodiversitetit, jo vetëm për shkak të numrit absolut të specieve dhe habitateve të pranishëm, por edhe për shkak të cilësisë së tyre të rëndësishme për ruajtje.

Zona aktuale e emëruar si Zonë e Mbrojtur Natyrore sipas Konventës Ramsar, ka një sipërfaqe totale prej 15,118.58 ha dhe ndahet sipas kategorive të përdorimit të tokës.

Nr	Kategori të Përdorimi të Tokës	Sipërfaqe Ha
1	Sipërfaqe ujore (liqen, lumë, përrënj)	5,235.45
2	Sipërfaqe pyjore, shkurre dhe toka pyjore	7,262.40
3	Sipërfaqe me kullota dhe livadhe	320.17
4	Tokë bujqësore (toka bujqësore, frutikulturë, vreshta)	2,133.23
5	Sipërfaqe jo-produktive (shkëmbinj, rërë, rrugë)	13.40
6	Sipërfaqe urbane	133.38
7	Sipërfaqe urbane e përzierë me toka bujqësore	20.55
	Sipërfaqe e përgjithshme	15,118.58

Zonimi i territorit të zonës sipas përcaktimit të fundit është në përputhje me zonimin e Parkut Kombëtar "Prespa", të përcaktuar në planin e tij të menaxhimit.

Veprimtaritë social-ekonomike, të cilat janë të lejuara të kryhen në zonën natyrore "Ramsar" janë ato të karakterit tradicional, duke ruajtur vlerat mjedisore dhe nxitur

Vijon në faqe 2

Vijon nga faqe 1


zhvillimin në përputhje me nivelin e mbrojtjes në bazë të objektivave të menaxhimit Plani i Parkut Kombëtar të Prespës.

Për më tej, siç theksohet edhe në dokumentin e shpalljes, administrata e Parkut Kombëtar të Prespës, nën autoritetin e MMPAU është përgjegjës për ruajtjen dhe menaxhimin e zonës natyrore të mbrojtur në mënyrë specifike si habitate ujore (Ramsar). Kjo do të arrihet në kuadrin e programeve, planeve të veprimit të përcaktuara me planin e menaxhimit të Parkut Kombëtar. Organi kryesor i Administrimit të Parkut Kombëtar është Komiteti i Menaxhimit të Parkut Kombëtar të Prespës, që merr përgjegjësinë për ruajtjen dhe menaxhimin e zonës së mbrojtur natyrore si habitate shpendësh uji (Ramsar).

Shpallja e zonës Ramsar u mbështet si pjesë aktivitetesh në kuadër të projektit 'Prespa- Reserva Ndërkufitare e Biosferës - Mbështetje për Parkun Kombëtar të Prespës në Shqipëri' (BMZ 2001 66 785) në kuadër të bashkëpunimit dypalësh midis Shqipërisë dhe Gjermanisë, përmes Bankës për Rindërtim - KfW.

Për më shumë informacion kontaktoni:

MMPAU(info@moe.gov.al); Olsi Duma, Prespa National Park(olsi_duma@hotmail.com); Thimaq Lako, D/Team leader of Prespa KfW Project(thmlako@gmail.com).



Takim mbi problemet e peshkimit në Liqenin e Ulzës

Në kuadër të projektit SENiOR-A, (Mbështetje për Organizatat Mjedisore të Shoqërisë Civile në Shqipëri, me asistencë të REC Albania dhe financim të SIDA-s),



Organizata Mjedisore Miqësia Ulzë si pjesë e Rrjetit për Mbrojtjen e Natyrës, në bashkëpunim të ngushtë me INCA, organizoi më 15 Korrik 2013 një takim mbi evidentimin e problemeve të peshkimit në liqenit të Ulzës.

Në takim morën pjesë Shoqata e Peshkatarëve të Liqenit të Ulzës, specialistë të peshkimit në Shqipëri, përfaqësues të OMP (Organizata e Menaxhimit të Peshkimit) Shkodër, përfaqësues të Inspektoratit të Peshkimit Lezhë, përfaqësues shoqërisë civile si dhe përfaqësues të REC Albania.

Vijon në faqen 3

Vijon nga faqe 2

Gjatë takimi u diskutua mbi problemet e shumta që ndeshet peshkimi në përgjithësi dhe në veçanti në zonën e Liqenit të Ulzës. Nga të pranishmit u evidentuan probleme të shumta si në kuadrin administrativ ashtu edhe në atë të gjuetisë së paligjshme të peshkut në liqenin

Intervistë me Z. Rezart Kapedani, REC Albania

1- Si e shihni ju si REC inisjativën e takimeve të këtij lloji? Mendoni se ka një mënyrë më të mirë për të qenë më produktiv?

Mendoj se takime të tilla janë të dobishme. Ato shërbejnë për të njohur sa më mirë problemet që ka zona duke i parë ato nga kënd vështrime të ndryshme. Kjo, pasi për zona të tilla ku janë mbivendosur aktivitetet ekonomike si bujqësia, pylltaria, peshkimit etj, me ruajtjen e zonës si një Park Natyror Rajonal, është e rëndësishme që të shihen ku mund të jenë konfliktet e ndryshme mes palëve dhe si mund të zgjidhen ato. Ndërmjetësimi apo partneriteti me shoqërinë civile është gjithmonë i rëndësishëm në këto raste.

Mënyra më e mirë për të qenë sa më produktiv është gjithpërfshirja. Megjithë vështirësitë objektive që ekzistojnë në përfshirjen e tyre, përfaqësues të pushtetit vendor, të HEC-eve apo të strukturave të tjera vendore dhe qendrore do të sjellin rezultate edhe më të mira.

2- Mendoni se do të jenë efektive në afat gjatë për

e Ulzës. Në takim u vu theksi mbi domosdoshmërinë e bashkëpunimit të Shoqatave të Peshkatarëve. OMP Shkodër u zotua se shumë shpejt do të mundësojë dhe ndihmojë që edhe Shoqata e Peshkatarëve të Ulzës të anëtarësohet në Federatën Shqiptare të OPM-ve të ujërave të brendshëm.

arritjen e stabilizimit të gjendjes dhe si e shihni bashkimin me Federatën e Peshkimit në Ujërat e Ëmbla?

Një nga problemet më të mëdha gjatë fazës së tranzicionit ka qenë përfshirja dhe grupimi aktiv dhe funksional i personave të interesuar në grupime, shoqata, organizata etj. Ky problem nuk ekziston vetëm në peshkim por dhe në sektorin e ujërave, bujqësisë, pyjeve etj. Shpesh këto grupime shihen si pronë e një personi ose personat e tjerë nuk ndihen shumë të përfshirë dhe nuk kontribuojnë në to.

Koncepti i Federatës së Peshkimit për Ujërat e Ëmbla është shumë pozitiv në vendosjen e institucionalizimit të kësaj kategorie ujore që ka më pak peshë financiare në tërësinë e sektorit të peshkimit. Sfidat më të mëdha që do të kenë Federata për bashkimin në të i OMP Ulzës dhe i atyre të tjera, do të jetë ndryshimet e mëdha që kanë për nga niveli i organizimit dhe fuqisë së OPM-ve të ndryshme dhe arritja e gjetjes së gjuhës së përbashkët për funksionimin e kësaj Federate.

Marinela Mitro
INCA

Takim mbi zhvillimin e qëndrueshëm të turizmit në zonën e Vlorës

Më 25 Korrik, 2013 në ambientet e Dhomës së Tregtisë dhe Industrisë Vlorë, në kuadër të aktiviteteve të planit të punës së projektit SENiOR-A, organizata Adriatiku Vlorë, në bashkëpunim me INCA-n organizuan takimin me temë: “Mbrojtja e Biodiversitetit dhe menaxhimi i zonave të mbrojtura”.

Në këtë takim morën pjesë OJF-të lokale nga Vlora dhe Oriku si dhe përfaqësues të pushtetit vendor

dhe lokal. Ky aktivitet kishte për qëllim kryesor njohjen e strategjisë së zhvillimit të turizmit në qytetin e Vlorës por duke vendosur theksim në rolin dhe përfshirjen e shoqërisë civile në këtë proces. Pas prezantimeve të shkurtra mbi *Alternativën e Zhvillimit të Turizmit në Oriku dhe Strategjinë e Zhvillimit të Turizmit në Qarkun e Vlorës* nga Dhoma e Tregtisë dhe Bashkia Oriku, midis të pranishmëve u diskutua rreth rëndësisë së rolit të

Vijon në faqe 4

Vijon nga faqe 3

shoqërisë civile në promovimin dhe zhvillim e turizmit në zonë. Pas diskutimeve të shumta të cilat nxorën në pah problematikat kryesore që kanë të bëjnë më mos përfshirjen dhe indiferencën ndaj OJF

nga ana e disa institucioneve, u dha edhe një shembull pozitiv si ai i përfshirjes së OJF-ve në programin e punëve të tyre. Këshilli i Qarkut Vlorë, është duke dhënë mbështetje për OJF lokale në zonë.

Mbahet takimi i dytë e Rrjetit për Mbrojtjen e Natyrës



Më 30 korrik, në ambientin e zyrave të organizatës Adriatiku, Vlorë, u mbajt takimi i rrahës i Rrjetit për Mbrojtjen e Natyrës, i parashikuar në kuadër të programit të projektit SENiOR-A, me asistencë të REC-Albania dhe financim të Qeverisë Suedeze. Takimi kishte si qëllim kryesor raportimin e vazhdimësisë së punës, ndarjen e eksperiencave së përbashkëta dhe konsulencën për problemet e ndryshme të hasura gjatë këtyre muajve punë.

Ky takim është i dyti nga 4 të parashikuar. Në këtë takim morën pjesë përfaqësuesit e të gjithë rrjetit, (gjashtë

organizatat përbërëse: INCA-Tiranë, Green&Clean-Korçë; Mbrojtja e Mjedisit-Kukës; Miqësia-ULëz; Adriatiku-Vlorë; ILIRIA-Tiranë; Forumi Shqiptar Liqeni i Shkodrës-Shkodër).

Takimi u drejtua nga Z. Zamir Dedej, i cili foli mbi momentet kryesore të koordinimit të punës së Rrjetit, asistencën dhënë nga INCA në realizimin e aktiviteteve në rrjet dhe pjesëmarrjen në to si dhe informimin rreth monitorimit nga përfaqësues të Qeverisë Suedeze me pjesëmarrje edhe të rrjeteve të tjera të këtij programi.

Më pas fjalën e morën përfaqësuesit e organizatave të tjera për prezantimin e ecurisë së procesit nga ana e tyre.

NJOFTIME

- 1- Njoftim për Vend të Lirë Pune / Fondacioni i Shoqërisë së Hapur për Shqipërinë – Soros, pret aplikime nga profesionistë të motivuar dhe të kualifikuar, të cilët kanë dëshirë të kontribuojnë në avancimin e vlerave dhe parimeve të një shoqërie të hapur duke u punësuar në pozicionin e “Menaxher për Programin e Mirëqeverisjes dhe Integritimit Evropian”. ...për më tepër... <http://soros.al/2010/article.php?id=447>
- 2- Mediterranean Basin Biodiversity Hotspot. The CEPF Regional Implementation Team announce the next Call for Letters of Inquiry for Small Grants. This call is open to biodiversity conservation Project eligible for Strategic Direction 2 ...për më tepër... <http://www.birdlife.org/community/cepf-mediterranean/>
- 3- Mediterranean Basin Biodiversity Hotspot. The CEPF Regional Implementation Team announce the next Call for Letters of Inquiry for Large Grants. This call is open to biodiversity conservation Project eligible for Strategic Direction 2 ...për më tepër... <http://www.birdlife.org/community/cepf-mediterranean/>

Udhëzime për të kontribuar në Ditarin e Natyrës

• **Rrjeti i Organizatave për Mbrojtjen e Natyrës mirëpret artikuj të ndryshëm të cilët ju dëshironi ti publikoni në buletin e saj elektronik. Artikujt duhet të jenë jo më shumë se 150 - 200 fjalë. Ju lutemi të merrni në konsideratë këtë kërkesë, pasi interesi për të shpërndarë artikuj, lajme apo njoftime të ndryshme përmes buletinit, mund të jetë i konsiderueshëm dhe ne do të përpiqemi për të siguruar hapësirë për të gjithë ju që dëshironi të kontribuoni. Redaksia mban të drejtën për të shkurtuar apo modifikuar (jo tjetërsuar) tekstin nëse do të jetë e nevojshme.**

Ju lutemi dërgoni një foto shoqëruese për artikullin tuaj dhe / ose web - link për referencë të mëtejshme.

Faleminderit për marrjen në konsideratë të këtyre udhëzimeve!

• **Ky botim u mundësua nga një grant i dhënë nga Qendra Rajonale e Mjedisit (REC) Shqipëri përmes programit SENiOR-A. Ky publikim paraqet pikëpamjet e autorit/autorëve mbi këtë temë. Këto pikëpamje nuk janë adoptuar apo aprovuar nga REC Shqipëri dhe nuk duhet të shihen si qëndrime të tij apo të Ambasadës Suedeze në Shqipëri. REC Shqipëri nuk garanton saktësinë e të dhënave të këtij publikimi e nuk mban përgjegjësi për përdorimin e tij.**

Botim i Rrjetit të Organizatave për Mbrojtjen e Natyrës
Redaksia: Ilirjan Qirjazi; Genti Kromidha; Vilma Kadiu; Marinela Mitro